

Resolución reitoral do 06 de maio de 2024, da Universidade de Santiago de Compostela, pola que se convocan axudas a proxectos de investigación nos distintos ámbitos científicos co obxectivo de impulsar a actividade científica dos grupos de investigación.

A Universidade de Santiago de Compostela, de acordo cos seus Estatutos, é unha institución de dereito público dotada de personalidade xurídica e patrimonio propio, constituída polos campus de Santiago de Compostela e Lugo, que asume e desenvolve as súas funcións como servizo público esencial á comunidade mediante o estudo, a docencia, a investigación e a transferencia do coñecemento, actividades para as que desfruta de autonomía, de acordo con estes estatutos e no marco da lexislación vixente.

O sistema de financiamento do I+D universitaria, baseado dun xeito sustancial, no financiamento de proxectos de investigación, leva a que en determinados períodos de tempo os grupos de investigación, sobre todo os dun tamaño mais reducido, non dispoñan de financiamento para continuar as súas liñas de investigación. Esta situación conleva riscos para a continuidade do proceso de xeración de coñecemento e a captación de alumnos de doutoramento e postdoutoramento co que é relativamente doado que se caía un círculo vicioso do que resulta difícil sair.

A Universidade de Santiago de Compostela ten como obxectivo que o maior porcentaxe posible do seu persoal docente e investigador sexa activo no ámbito científico e está comprometida en poñer en marcha os medios necesarios para evitar que baches na captación de recursos signifiquen, de facto, a imposibilidade de continuar coa actividade investigadora.

Artigo 1. Obxecto da convocatoria, contía e duración.

O obxecto da convocatoria é a de financiar o desenvolvemento de proxectos de investigación que permitan a continuación de liñas de investigación existentes ou a iniciación de liñas de investigación novedosas para as que se non se dispoña doutro financiamento.

O importe total do orzamento será destinado a financiar **10 proxectos** de investigación de **16.000** euros cada un, como financiamento máximo,-con cargo á partida **8050-2000-64600**. Esta axuda poderá financiar parcial ou totalmente os costes do proxecto e serán compatibles cou outras aportacións, calquera que sexa a súa natureza e a entidade financiadora, sempre que conxuntamente non se supere o custe total do proxecto.

O período máximo de execución será o exercicio económico 2024

Artigo 2. Requisitos de participación.

O investigador solicitante e os membros do grupo deberán cumprir os seguintes requisitos:

2.1.- Poderán solicitar estas axudas, como IP, os membros dun grupo de investigación rexistrados no catálogo de grupos da USC.

2.2.- O IP do proxecto non poderá ter financiamento activo procedente de convocatorias competitivas, e tivo que ter presentando solicitude ao Plan Nacional na última convocatoria resolta no momento da publicación desta convocatoria de axudas sen ter obtido financiamento, ou formar parte dun Grupo con Potencial de Crecemento (Xunta de Galicia) que non renovara o financiamento na última convocatoria resolta.

2.3.- O equipo de investigación terá que estar formando por un mínimo de 3 persoas, das cales cando menos dúas deberán ter unha vinculación permanente como PDI na USC e a outra un contrato, a tempo completo, para o que se esixa estar en posesión do título de doutor, cuxa finalización esté prevista para despois do 31 de outubro de 2024. Poderán participar profesores eméritos e visitantes, así como alumnos matriculados a tempo completo nun programa de doutoramento, e persoal investigador doutras universidades ou centros de investigación, que non contabilizará aos efectos do mínimo número de membros establecido.

2.4.- O investigador principal do proxecto deberá comprometerse a solicitar financiamento nas convocatorias externas de proxectos de investigación que se publiquen con posterioridade á data de resolución desta convocatoria.

2.5.- Ningún membro do equipo de investigación poderá participar simultaneamente en máis dun proxecto solicitado na presente convocatoria.

Artigo 3. Gastos subvencionables

3.1. Son gastos subvencionables os seguintes:

- a) Gastos de funcionamento: Material funxible, gastos relativos a servizos da RIAIDT, asistencia técnica e publicacións. Gastos de mobilidade e dietas segundo a normativa de aplicación da USC
- b) Inventariable. Pequeno equipamento inventariable, e fondos bibliográficos.
- c) Outros gastos. Reparación e mantemento de equipos, contratación de servizos externos cuxa necesidade xustifíquese na solicitude.

3.2. Non son gastos que se poidan financiar nesta convocatoria os gastos relativos a pagos a PDI.

Artigo 4.- Formalización e presentación das solicitudes

A documentación que se deberá achegar terá que ser en formato PDF segundo os modelos que se publiquen derivados desta convocatoria e seguindo as instrución que recibirán as persoas solicitantes logo de realizar a súa solicitude na sede electrónica da USC. Dita documentación deberá conter a seguinte información, e que terá unha extensión máxima de 5.000 palabras, excluídos os CVs:

- 1) Resumo do proxecto, máximo de 400 palabras.
 - Antecedentes e estado actual do tema, incluíndo referencias bibliográficas

- Hipótese e obxectivos
 - Medios disponibles para a realización do proxecto.
- 2) Plan de traballo
- metodoloxía e cronograma de actividades
 - Equipo de traballo, incluíndose como anexos o CVA abreviado de cada unha das persoas participantes, según o modelo normalizado da Axencia Estatal de Investigación.
 - Consentimento por escrito de aceptación de participación no proxecto por parte dos membros do equipo de investigación. Si algún dos investigadores pertence a outra entidade diferente á USC requirirase ademais a autorización do responsable da institución de orixen.
- 3) Xustificación dos conceptos de gasto e importe do orzamento solicitado axustado aos conceptos financiáveis e anualidades.

Artigo 5.- Prazo de presentación

A presentación de solicitudes irá dirixida á Area de Xestión da Investigación a través da sede electrónica da USC (<https://sede.usc.es/sede/publica/persoais/registroEntrada/acceso.htm>), ademais deberá figurar os seguintes datos:

- Asunto da solicitude: Axudas a proxectos de investigación nos distintos ámbitos científicos co obxectivo de impulsar a actividade científica dos grupos de investigación.
- Expón que: indicar os seus datos persoais, vinculación coa USC e grupo de investigación no que está integrada a persoa solicitante.
- Solicita: participar na convocatoria de axudas no réxime de concorrencia non competitiva, para facilitar a mobilidade 2024.

Presentada a solicitude no rexistro electrónico da USC, e recepcionada pola Subárea de Convocatorias e RRHH de I+D, á persoa solicitante recibirá, ao enderezo de correo electrónico indicado na súa solicitude, instrucións de cómo debe presentar os documentos requeridos para avaliar a súa solicitude aos que se refire o artigo 7 desta convocatoria.

Aquelas solicitudes que non realicen a presentación conforme ao disposto no presente artigo teranse por desistidas, previa resolución que deberá ser ditada nos termos previstos no artigo 21 da Lei 39/2015, do 1 de outubro.

O prazo para a presentación de candidaturas será de 15 días naturais a contar a partir do día seguinte ao da súa publicación no taboleiro da USC.

Artigo 6. Admisión das propostas.

Rematado o prazo de presentación de solicitudes publicárase a resolución provisional de admitidos e excluídos no taboleiro electrónico da USC e tamén na páxina web da Vicerreitoría de Política Científica con indicación, da(s) causa(s) de exclusión.

As persoas solicitantes excluídas disporán dun prazo de **tres días naturais**, contados a partir do seguinte ao da publicación da citada resolución, para poder emendar ou acompañar os documentos que motivaron a súa exclusión.

A subsanación farase unicamente a través da sede electrónica da USC, achegando os documentos a subsanar, as solicitudes serán dirixidas a Area de Xestión da Investigación, indicando o seguinte:

- Asunto da solicitude: Subsanación axudas a proxectos de investigación nos distintos ámbitos científicos co obxectivo de impulsar a actividade científica dos grupos de investigación.
- Expón que: que logo de estar excluída a súa solicitude de participación relativa as axudas axudas a proxectos de investigación nos distintos ámbitos científicos co obxectivo de impulsar a actividade científica dos grupos de investigación.
- Solicita: Que lle sexa subsanada o motivo da súa exclusión.

Rematado o prazo de subsanación publicárase a lista definitiva de admitidos e excluídos.

Artigo 7.- Avaliación das solicitudes

As solicitudes serán obxecto de avaliación por parte da Comisión de Selección, aplicándose os seguintes criterios:

- **Primeira fase:**

Valoración do orzamento. Valorarase a adecuación do orzamento ás actividades que se prevee realizar. A avaliación do orzamento dará lugar a unha valoración positiva, negativa ou positiva con modificacións. Unha valoración negativa neste apartado dará lugar á desestimación da proposta.

- **Segunda Fase (100 pts):**

- a) Calidade científico-técnica da proposta e dos obxectivos a acadar. Valorarase o avance no coñecemento que presenta a proposta, así como o interese dos obxectivos formulados, e, de xeito especial, o beneficio que supón a consecución de ditos obxectivos para o fortalecemento do grupo de investigación ao que pertence o investigador propoñente (ata 40 puntos).

- b) Actividades e metodoloxía. Valoración do rigor na formulación metodolóxica e na identificación de actividades e tarefas para acadar os obxectivos (ata 20 puntos).
- c) Valoración da equipa de investigación. Este criterio valorará, de acordo coa traxectoria científica e técnica, a capacidade dos propoñentes para desenvolver a proposta presentada, e do investigador principal en especial. Valorarase a capacidade formativa do grupo de investigación ao que pertence a equipa investigadora (ata 20 puntos).
- d) Obxectivos de explotación, difusión e divulgación, con especial atención á transferencia de resultados ao sector productivos e á sociedade (ata 20 puntos).

A avaliación científico-técnica das propostas dará lugar a unha calificación de 0 a 100, non sendo financiáveis aquelas propostas cunha puntuación inferior a 70 puntos.

Artigo 8. Comisión de avaliación

A composición da Comisión de Avaliación será de 5 membros, presidente/a, secretario/a e tres vogais, e os seus correspondentes suplentes. Os nomes dos compoñentes da comisión faranse públicos coa publicación da lista de proxectos admitidos e excluídos.

O funcionamento da Comisión de Avaliación axustarase ao previsto na Sección 3ª, do Capítulo II do Título Preliminar da Lei 40/2015, do 1 de outubro, do réxime xurídico do sector público, relativo aos órganos colexiados.

Os membros da Comisión deberán absterse de intervir, notificándolle ao reitor da Universidade, cando concorran neles circunstancias previstas no artigo 23 da Lei 40/2015 do 1 de outubro, de réxime xurídico do sector público. Así mesmo os aspirantes poderán recusar aos membros da comisión cando concorra algunha das circunstancias antes citadas.

A comisión elaborará a proposta de concesión, que será elevada ao Reitor da USC

Artigo 9. Órganos competentes para a instrución e resolución do procedemento

O órgano competente para a instrución do procedemento de selección será a Vicerreitoría de Política Científica, previo informe da Comisión Avaliadora. O órgano competente para ditar as correspondentes resolucións de selección será o Reitor ou persoa en quen delegue.

Artigo 10. Procedemento de resolución

A Xerencia elevará ao Reitor ou persoa en quen delegue a proposta de concesión definitiva, que será publicada na páxina web da Vicerreitoría de Política Científica, e daráselle difusión.

A resolución de concesión ou denegación definitiva adoptarase no prazo máximo dun mes contado desde a finalización do prazo de presentación de solicitudes, e comunicarase de acordo

co establecido no artigo 45 da Lei 39/2015 do 1 de outubro, mediante a súa publicación na web da Vicerreitoría de Política Científica da Universidade de Santiago de Compostela.

De conformidade cos artigos 123 e 124 da Lei 39/2015 do 1 de outubro, contra a resolución de concesión ou denegación que pon fin á vía administrativa, cabe interpoñer recurso potestativo de reposición.

Artigo 11. Libramento da axuda

O total da axuda librarase coa súa aceptación de conformidade, cos procedementos, requisitos e termos establecidos nas Normas de Execución do Orzamento da USC e na normativa que resulte de aplicación.

Artigo 12. Seguimento dos proxectos

Os beneficiarios deberán presentar unha memoria final (Anexo II) que deberá incluír os traballos realizados ata o fin do proxecto.

Deberán facerse constar os resultados obtidos no proxecto en base a:

- ✓ Publicacións científicas en realización ou enviadas.
- ✓ Capacidade formativa de persoal no proxecto.
- ✓ Capacidade de xerar accións de transferencia ao mercado.

Artigo 13. Obrigacións dos beneficiarios

13.1. A aceptación da axuda por parte dos beneficiarios implican a aceptación das normas establecidas nesta convocatoria e o cumprimento dos requisitos establecidos na mesma.

13.2. Os investigadores beneficiarios da axuda deberán facer constancia expresa da afiliación a USC nas súas publicacións, e deberán mencionar a axuda da Universidade de Santiago de Compostela como entidade financiadora, con acrónimo e número de referencia asignado o proxecto.

13.3. De conformidade coa política de acceso aberto dos resultados da investigación impulsada pola Universidade de Santiago de Compostela, o equipo de investigación deberá facilitar a publicación en aberto dos resultados de investigación no repositorio institucional da biblioteca da USC (<https://minerva.usc.es/xmlui/?locale-attribute=gl>), depositando tan pronto sexa posible unha copia da versión publicada o da versión (post-print), dos artigos científicos, libros ou capítulos de libros etc.

13.4. A investigación desenvolvida deberá seguir o establecido no Código de Boas Prácticas na Investigación vixente na Universidade de Santiago de Compostela.

Artigo 14.-Recursos

Esta convocatoria poderá ser impugnada mediante recurso potestativo de reposición ante o Reitor, no prazo dun mes, contado a partir do día seguinte ao da súa publicación, segundo o disposto nos artigos 123 e 124 da Lei 39/2015, de 1 de outubro do procedemento administrativo común das administracións públicas, ou ben directamente recurso contencioso-administrativo no prazo de dous meses ante o Tribunal do Contencioso Administrativo de Santiago de Compostela, de conformidade co artigo 46 da Lei 29/1998, do 13 de xullo, reguladora da xurisdición contencioso-administrativa.

Disposición final

O que non estea previsto nesta resolución lle será aplicable o disposto na Lei 39/2015, de 1 de outubro, de procedemento administrativo común das administracións públicas, na Lei 40/2015, do 1 de outubro, do réxime xurídico do sector público.

O incumprimento dos requisitos establecidos nesta convocatoria, a ocultación de datos, a súa alteración ou calquera manipulación da información solicitada será causa de desestimación ou anulación da solicitude presentada.

A presentación de solicitudes implica o coñecemento e a aceptación destas bases.

Por delegación do Reitor (RR. 26/09/2023, DOG 5/10/2023)
A Vicerreitora de Política Científica,
María del Pilar Bermejo Barrera

Sinatura dixital / Firma digital / Digital signature

Asinante/Firmante/Signer: MARIA DEL PILAR BERMEJO BARRERA, VICERREITOR A DE POLITICA CIENTIFICA, UNIVERSIDAD DE SANTIAGO DE COMPOSTELA, 06/05/2024 10:51:33.

CSV: 6CBD-E821-48CD-805A